

Pasyan ak Donè ki Matche pou Grèf San oswa Mwèl Zo (Blood or Marrow Transplant, BMT)

Lè w aprann plis sou fason doktè yo jwenn meyè donè pou pasyan yo, sa kapab ede w pran desizyon medikal reflechi.

FÈY ENFÒMASYON SA A FÈ W KONNEN:

- Kisa konpatibilite HLA ye
- Kijan doktè yo jwenn donè
- Kijan don selil yo rive jwenn ou
- Kesyon pou w poze doktè w

KISA KI KONPATIBILITE HLA?

Yo itilize konpatibilite HLA pou matche pasyan ak donè pou grèf san ak mwèl zo. HLA (Human Leukocyte Antigens) se pwoteyin—oswa makè—ki nan pifò selil ki nan kò ou. Sistèm iminitè w itilize makè sa yo pou rekonèt ki selil ki pou kò w ak ki selil ki pa pou kò w.

Konpatibilite HLA pi konplike lontan pase gwoup sangen. Pou yo fè konpatibilite HLA:

- Y ap pran san oumenm ak nenpòt donè ki posib
- Yo teste san an nan yon laboratwa pou detèmine tip HLA a
- Yo konpare HLA ou ak pa nenpòt donè ki posib pou wè si gen yon match

KIJAN DOKTÈ YO JWENN DONÈ

Se **pa** responsabilite pa w pou chèche yon donè. Doktè w ap jwenn donè ki pi bon pou ou an nan fanmi w oswa nan Be The Match Registry®.

1. Chèche nan fanmi ou


Grèf HLA idantik

Si ou gen yon frè oswa yon sè ki vle epi ki kapab yon donè pou ou, doktè grèf ou an ap teste chak nan yo pou wè si yo matche ak ou. Chak frè ak sè ki gen menm paran avè w genyen yon 25% chans (1 sou 4) pou l matche avèk ou. Matant, tonton ak kouzen yo yon match raman, kidonk pa gen anpil chans pou yo teste yo.

Grèf HLA apo-idantik (matche a mwatye)

Se yon kalite grèf kote donè a matche egzakteman mwatye nan makè HLA ou yo. Paran nan san (byolojik) ak timoun yo toujou demi-match youn pou lòt. Frè ak sè yo gen 50% chans (1 chans sou 2) pou yo yon demi-match youn pou lòt.

Konpatibilite HLA



Sa a se yon reprezentasyon senplifye pou yon pwosesis ki trè konplike

Menmsi yo kòmanse itilize grèf aplo-identik pi souvan, se yon kalite grèf ki pi resan. Se pa tout lopital yo ki ofri li. Epitou, doktè yo poko konnen ki konparezon yo ka fè alontèm ant donè aplo-identik yo ak donè ki matche nèt yo.

2. Chèche nan Be The Match Registry

Apeprè 70% (7 sou 10) pasyan ki bezwen yon grèf pa gen yon match nan fanmi yo. Si ou pa gen yon match nan fanmi ou, doktè w pral chèche nan rejis la pou jwenn pou ou yon donè ki pa fanmi w oswa inite san kòd lonbrik.

Lè doktè chèche nan rejis nou an, yo chèche pami plis pase 30 milyon donè adilt ki posib ak plis pase 742,000 inite san kòd lonbrik nan rejis Ozetazini (U.S.) ak nan rejis mondyal yo. Yo ajoute dè milye nouvo donè nan rejis la chak mwa.

Doktè yo k ap chèche nan rejis la resevwa mizajou chak jou sou pwogrè rechèch yo. Yo avèti doktè w yo si yo ajoute yon nouvo donè oswa inite san kòd lonbrik ki matche w.

SA PRAN TAN POU JWENN YON DONÈ

Sa ka pran yon tikras tan tankou kèk semèn, epi pafwa anpil mwa pou jwenn bon match la pou ou. Anjeneral, sa pran kèk mwa apati kòmansman pwosesis rechèch la pou rive nan jou grèf la. Lè yo itilize san kòd lonbrik, sa ka pran kèk semèn sèlman paske yo te déjà kolekte ak konsève inite san kòd lonbrik yo.

NAN CHAK ETAP, NOU LA POU EDE W

Be The Match gen yon ekip ki devwe pou ba ou enfòmasyon ak sipò anvan, pandan, ak apre grèf la. Ou ka kontakte Sant Sipò Pasyan nou an pou poze kesyon ou ka genyen sou grèf, mande sipò pwofesyonèl oswa sipò kanmarad, oswa resevwa dokiman pou edikasyon pasyan gratis.

RELE: 1 (888) 999-6743 | IMÈL: patientinfo@nmdp.org | SITWÈB: BeTheMatch.org/one-on-one



POU JWENN DON SELIL YO

Anjeneral, don selil yo vini nan 1 oswa 2 sache san, menm jan ak sa yo itilize pou transfizyon san yo.

Yon donè ki pa fanmi

Yon kourye ki fòme delivre selil yo nan sant grèf ou an. Selil ou yo ka soti yon kote Ozetazini oswa nan yon peyi diferan. Pèsonèl ki gen eksperyans nan Be The Match kowòdone livrezon an epi yo asire selil yo al jwenn ou lè ou bezwen yo a egzakteman.

Yon manm fanmi

Donè ou an ka fè don an nan menm lopital kote w ap resevwa grèf ou an. Si manm fanmi w lan pa abite toupre, yon kourye ka fè livrezon selil yo.

Yon inite san kòd lonbrik

Selil yo voye yo ap soti nan yon bank san kòd lonbrik pou rive nan sant grèf ou an.

KESYON POU W POZE DOKTÈ W

- Ki manm fanmi ou pral teste kòm donè potansyèl?
- Si donè mwen an se yon manm fanmi m, ki sa li pral gen pou l fè?
- Si m pa gen yon donè ki matche m nan fanmi m, èske w pral chèche yon donè adilt volontè oswa yon inite san kòd lonbrik?
- Chak kilè mwen pral resevwa nouvèl sou rechèch donè mwen an? Kiyès pou m rele si m gen kesyon sou rechèch donè mwen an?
- Èske yon grèf aplo-identik, oswa ki matche a mwatye, reprezante yon opsyon pou mwen?